

Ilanngussaq H

Ilanngussaq 2, AIS 2020-ip pingajussaaneerneqarnissaanut oqaasertaliussat aamma oqaasertaliussanut nassuiaatinut allannguutissaattut siunnersuutit:

Aningaasaqarnermut Nunanilu Avannarlerni Suleqatigiinnermut
Naalakkersuisoq – Suliassa qarfik 20-24

Nr. 153.

Konto pingaarneq 20.01.13 Inatsisinut tunngaviusussanut isumalioqatigiissitaq aamma allattoqarfik

Oqaasertaliussat tullinnguuttut AI 2020-mut ilanngunniarneqarput:

”Nr. 2.

Naalakkersuisut aningaasarsiaqartitsineq pillugu inatsimmi § 18, imm. 2 naapertorlugu tunngaviusumik inatsisissaq pillugu isumalioqatigiissitami ilaasortaasunut Inatsiartunullu ilaasortaasunut aningaasarsititsisinnaapput.”

Konto pingaarneq 20.01.13 Inatsisinut tunngaviusussanut isumalioqatigiissitaq aamma allattoqarfik pillugit nassuiaatit

Oqaasertaliussanut nassuiaatit tullinnguuttut ilanngunniarneqarput:

”Nr. 2.

Naalakkersuisut tunngaviusumik inatsisissaq pillugu isumalioqatigiissitami ilaasortanut, inatsisartuni ilaasortaanerat ilaasortaanninneralluunniit apeqqutaatinnagu, suliqaarnerminnut aningaasarsisinnanissaat oqaasertaliussinikkut qulakkeerneqarpoq. Aningaasarsiasat annertussusissaasa aalajangersarnerannut atatillugu suliassat annertussusaat eqqarsaatigineqassapput.

Pisinnaatitsissuteqarnikkut Naalakkersuisut tunngaviusumik inatsisissaq pillugu isumalioqatigiissitami suliat pitsanngorsaavigisinnaalerpaat, taamaaliornikkut isumalioqatigiissitaq 2021-imi tunngaviusumik inatsisissamut siunnersuuteqarnissamut tunngavissaqarluassaaq.

Oqaasertaliussaq nutaajuvoq.”

Nr. 154.

Kontumut pingaarnermut, 24.10.10 Nuna tamakkerlugu akileraarut

Aningaasanut Inatsit pillugu isumaqatigiissutaasoq tunngavigalugu oqaasertaliussat tullinnguuttut AI2020-mut ilanngunniarneqarput, tassanilu ingerlatseqatigiiffinnut akileraarut 5 %-imik appartinneqarpoq.

”Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi § 60, imm. 1-2-mi ingerlatseqatigiiffinnut akileraarummut akigititaq 25 %-imut aalajangersagaavoq.

Ilanngussaq 2, oqaasertaliussat kiisalu oqaasertaliussanut nassuiaatit

Oqaasertaliussat ukiumut aningaasarsiorfiusumut 2020-mut atuupput.”

Kontumut pingaarnermut, 24.10.10 Nuna tamakkerlugu akileraarut, nassuiaatit

Oqaasertaliussanut nassuiaatit tullinnguuttut AI 2020-mut ilanngunniarneqarput:

”2020-mut Aningaasanut Inatsit pillugu Isumaqatigiissutip kingunerisaanik oqaasertaliussat ilanngunneqarput.

Oqaasertaliussat kinguneraat ingerlatseqatigiiffinnut akileraarutininut akigititat § 60, imm. 1-2-mi 25 procentinut aalajangerneqarmata. Oqaasertaliussat ukioq aningaasarsiorfiusooq 2020-miit atuutilerput. Ukiumut aningaasarsiorfiusumut 2020-mut ingerlatseqatigiiffinnut akileraarut ukiumi akileraaruseriffiusumi 2021-mi akilerneqassaaq.

Aningaasarsianit akileraarutit pillugit inatsimmi § 60, imm. 1-imi ingerlatseqatigiiffiit tamakkiisumik ilaannakortumillu akileraartussaasut isertitamik akileraarusigassat 30 procentiinik ingerlatseqatigiiffiit akileraarutaannik akiliisassapput. Imm. 2-mi aalajangersakkami ingerlatseqatigiiffiit, Kalaallit Nunaanni atortussiassat aatsitassanit il.il. pisut pillugit inatsit naapertorlugu misissuinissaminnut imaluunniit piiaanissaminnut akuersissummik peqartut, imaluunniit sermip erngullu avammut nioqqutissatut atorneqarnissaat pillugu Inatsisartut inatsisaat naapertorlugu akuersissummik peqartut, isertitanik akileraarusigassat 30 procentiinik ingerlatseqatigiiffiit akileraarutaannik akiliisassapput. Oqaasertaliussat kingunerissavaat ingerlatseqatigiiffinnut akileraarut 5 procentpointinik appartinneqassammat.

Ingerlatseqatigiiffinnut akileraarutininut akigititap aningaasarsianit akileraarutit pillugit inatsisartut inatsisaanni atuarneqarsinnaanissaa kissaatiginarpoq. Periarfissaq siulleq atorlugu aningaasarsianit akileraarutit pillugit inatsisartut inatsisaanni allannguutip ilanngunnissaa pillugu allannguutissatut siunnersuummik saqqummiussisoqarnissaa Naalakkersuisut sulissutigissavaat. Inatsisissatut siunnersuut aatsaat 2020-mi upernaakkut ataatsimiinnissamut piareernissaa ilimagineqarpoq.

Oqaasertaliussat nutaajupput.”

Nr. 155.

Kontumut pingaarnermut, 24.11.10 Nioqqutissanik eqquusuinermi akitsuutit

Aningaasanut Inatsit pillugu isumaqatigiissummi biilinut innaallagissamik ingerlateqartunut aamma plug-in-hybridbiilinut motorimut akitsuusiinerup atulernera pillugu isumaqatigiittoqarnera pissutigalugu AIS2020-mi kontumut pingaarnermut matumunnga oqaasertaliussat peqquneqarput ukuninngalu taarserlugit:

Ilanngussaq 2, oqaasertaliussat kiisalu oqaasertaliussanut nassuiaatit

”Nioqutissanik eqqussuinermit akitsuutit pillugit Inatsisartut inatsisaanni § 1, imm. 1, nr. 21 naapertorlugu akiliisussaataitanerit qamutitut motorilinnut taamaallaat innaallagissamik brintimilluunniit ingerlateqartunut, kiisalu plug-in-hybridbiilinit, batteriinit innaallagissamik immeqqinneqarsinnaasunik ingerlateqartunut 1. januar 2021 tikillugu atuutsinneqassanngillat.”

Kontumut pingaarnermut, 24.11.10 Nioqutissanik eqqussuinermit akitsuutit, nassuiaatit

Oqaasertaliussanut nassuiaatit tullinnguuttut AI 2020-mut ilanngunniarneqarput:

”Qamutit motorillit taamaallaat innaallagissamik brintimillu ingerlatillit eqqunneqarneranni nioqutissanik eqqussuinermit akitsuummik aamma qamutit motorillit akileraarutaannik akiliinngikkallarnissaq pillugu Inatsisartut inatsisaat nr. 8, 29. november 2013-imeersoq naapertorlugu akitsuutitut akiliinngikkallarnissaq ukiumik ataatsimik oqaasertaliussatigut sivitsorneqarpoq, kontumullu pingaarnermut matumunnga oqaasertaliussatigut kingullermik 31. december 2020 tikillugu sivitsorneqarluni.

Oqaasertaliussat AI 2019-imit iluarsineqarlutik ingerlateqqitaapput.”

Nr. 156.

Konto pingaarneq 24.11.11 Qamutitut motorilinnut akitsuutit

Oqaasertaliussat tassungalu nassuiaatit peeqquneqarput. Taamaaliortoqarpoq aningaasanut inatsimmut isumaqatigiisummi biilinit innaallagissamik ingerlateqartunut aamma plug-in hybridbiilinit motoritut akitsuusiisarnerup atulernissaa pillugu isumaqatigiittoqarsimammat.

Nr. 157.

Kontumut pingaarnermut, 24.11.12 Raajanut akitsuutit

Oqaasertaliussat tullinnguuttut AI 2020-mut ilanngunniarneqarput:

”Kalaallit Nunaanni aalisarnermit pisanerqartut isumalluutinit atuinnermut akitsuutaat pillugit Inatsisartut inatsisaat nr. 46, 23. november 2017-imeersumi § 6, imm. 2 naapertorlugu raajanut Svalbardip Brentillu imartaani pisanut akitsuutip procentia raajat Svalbardip Brentillu imartaani pisat akiisa agguaqatigiisinnerat aallaavigalugu aalajangersarneqassaaq. Oqaasertaliussaq raajanut ukiumi 2020-mi pisanerqartunut atuuppoq.”

Konto pingaarneq 24.11.12 Raajanut akitsuutit

Oqaasertaliussanut nassuiaatit tullinnguuttut AI 2020-mut ilanngunniarneqarput:

”Raajarniarsinnaanermut isumaqatigiinniarnerup ilaattut Kalaallit Nunaat Svalbardimi Barentillu imartaani raajartassinneqarpoq. Taakkuninnga raajanik tunisinermit akit Kalaallit Nunaanni raajarniarnerup akiinit appasinnerusut paasineqarpoq. Sumiiffimmi raajat mikinerunerat kiisalu kilisaatit sumiiffinni taakkunani raajarniartartut raajanik suliarinninnissamut

Ilanngussaq 2, oqaasertaliussat kiisalu oqaasertaliussanut nassuiaatit

atortorissaaruteqannginnerat tamassumunnga pissutaapput. Ullumikkut Svalbardimi Barentillu imartaani raajarniarneq iluanaarutitakippoq. Akit appasinnerisa saniatigut aalisarfiit Kalaallit Nunaannit ungasinnerunerat pissutigalugu pisanut aningaasartuutit qaffasinnerunerat tamatumunnga pissutaapput. Peqatigisaanillu umiarsuaatileqatigiiffiit raajarniarnermut akigititaasa agguaqatigiisinnerat tunngavigalugu pisuussutitut akitsuummik akiliisussaanagerat pissutigalugu akilersinnaassusaa annikillineqarluni. Svalbardimi Barentillu imartaani raajarniarnermit tunisat tunngavigalugit akitsuummik procentimut immikkut naatsorsuinikkut ajornartorsiutit ikilisarneqarsinnaapput. Tamanna aalisarnerup akilersinnaassusaanut sunniuteqassaaq, pissutigalugu kilisaatit Svalbardip Barentillu imartaani maannamut raajarniaqataasimasut taamaattut aalisarnissamut naleqqunnerpaanngimmata.

Oqaasertalersuinikkut Svalbardip Brentillu imartaani raajarniarnermut akitsuutip procentianut 17,9 pct.-imit 8 pct.-imut appartitsinissaq naatsorsuutigineqarpoq. Kiilumut aki 19,50 kr.-imiiginnassappat 2019-imilu pisassiissut amerlaqatigippassuk iluanaarutissat 2,9 mio. kr.-inik ikilissangatinneqarput. Tamannalu aalisarnerup iluatsinngitsoorsinnaanageranut ataqatigiissinneqassaaq, iluatsinngippallu annaasassat. 2,3 mio. kr.-inik ilaqqissinnaapput.

Oqaasertaliussaqaarnissap pisariaqassusaa 2021-imut aningaasanut inatsisissap suliarineqarnerani nalilersoqqinneqassaaq, pissutigalugu taamatut iliuuseqarnissaq piffissami aalajangersimasuinnarmi ingerlanneqarnissaa naatsorsuutigineqarmat.

Oqaasertaliussat nutaajupput.”

Peqqissutsimut, Isumaginninnermut Inatsisinillu Atuutsitsinnermut Naalakkersuisoq - Suliassaqarfik 30-34

Nr. 158.

Konto pingaarneq 30.12.08-mut Utoqqalinermi pensionisiat

Oqaasertaliussanut 2-imut nassuiaatit tullinnguuttut ilanngunniarneqarput:

Nr. 2.

Utoqqalinersiaqarneq pillugu Inatsisartut inatsisaat nr. 20, 23. november 2015-imeersumi, taassumalu kingusinnerusukkut allannguutaani, §§ 9-mi aamma 10-mi utoqqalinersianut akigititat ima aalajangersarneqarput:

Utoqqalinersialinnut toqqammaviumik aningaasartat ukiumut kr. 62.489

Utoqqalinersialinnut aappaqartunut utoqqalinersianut tapit ukiumut kr. 43.086

Utoqqalinersialinnut kisermaanut utoqqalinersianut tapit ukiumut 77.513

Utoqqalinersiallip ukiumut maannakkorpiaq isersitaasa, Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugit pensionisiat minillugit,

Ilanngussaq 2, oqaasertaliussat kiisalu oqaasertaliussanut nassuiaatit

kr. 377.466-it qaangerpatigit, utoqqalinersianut toqqammaviumik aningaasartat annikillisinneqassapput.“

Konto pingaarneq 30.12.08-mut, Utoqqalinermi pensionisiat, nassuiaatit

Oqaasertaliussanut nassuiaatit tullinnguuttut AI 2020-mut ilanngunniarneqarput:

“Nr. 2.

Toqqammaviumik aningaasartat utoqqalinersianullu tapit suli procenti aaqqiissutissaq atorlugu aaqqiivigineqartarnissaat, aamma tapit annikilliertortinneqarnerisa naaneranni toqqammaviumik aningaasartanik annikilliertortitsinerup aallartinnissaa oqaasertaliussat ilanngunnerisa qulakkeerpaat.

Oqaasertaliussat AI 2019-imi iluarsineqarlutik ingerlateqqinneqarput.”

Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq – Suliassaqarfik 40

Nr. 159.

Konto pingaarneq 40.91.31-mut, Suliniutit aallaavigalugit tapiissutit

AIS2020-imi kontumut pingaarnermut matumunnga oqaasertaliussat peerniarneqarput kiisalu MerX (NI-Nuuk) kukkusumut inissinneqarsimammat ukuninnga taarserniarneqarput:

"Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq naapertorlugu taxameteri malillugu akiliutigineqartussat makku aalajangersarneqarput:

20.000 kr. holdimut sapaatip akunneranut

Atuarfimmi misiliineq (Kalaallit Nunaanni Teknikkimik Ilinniarfik)

Atuarfimmi misiliineq HT/Håndværkeri aamma Teknikkeri (Kalaallit Nunaanni Teknikkimik Ilinniarfik)

Atuarfimmi misiliineq AM/Auto aamma Marineri (Kalaallit Nunaanni Teknikkimik Ilinniarfik)

22.500 kr. holdimut sapaatip akunneranut

Atuarfimmi misiliineq El stærk (Kalaallit Nunaanni Teknikkimik Ilinniarfik)

25.000 kr. holdimut sapaatip akunneranut

Marine mekanikeri (Kalaallit Nunaanni Teknikkimik Ilinniarfik)

Auto mekanikeri (Kalaallit Nunaanni Teknikkimik Ilinniarfik)

Skibsmontøri (Kalaallit Nunaanni Teknikkimik Ilinniarfik)

El svagimik Tunngaviumik ingerlatsineq (Kalaallit Nunaanni Teknikkimik Ilinniarfik)

Portøri (PI)

Kigutillerineq (PI)

Ilangussaq 2, oqaasertaliussat kiisalu oqaasertaliussanut nassuiaatit

27.500 kr. holdimut sapaatip akunneranut

TNI-mik /Niuernermik ilinniarfiit Tunngaviusumik ilinniagaqartitsinerat (NI-Nuuk)

TNI Flex (NI Nuuk)

El stærkimik Tunngaviusumik ingerlatsineq (Kalaallit Nunaanni Teknikkimik Ilinniarfik)

Qisulerineq-Qalipaaneq-Ruujorilerineq-mik Tunngaviusumik ingerlatsineq

30.000 kr. holdimut sapaatip akunneranut

TNI-mik/Niuernermik ilinniarfiit tunngaviusumik ilinniagaqartitsinerat (NI-Nuuk)

Mittarfeqarfiit aallariartortarfiini sulisut (Kalaallit Nunaanni Teknikkimik Ilinniarfik)

Ruujorilerineq (Kalaallit Nunaanni Teknikkimik Ilinniarfik)

Qalipaasoq (Kalaallit Nunaanni Teknikkimik Ilinniarfik)

Qisulerineq (Kalaallit Nunaanni Teknikkimik Ilinniarfik)

Saffiorneq (Kalaallit Nunaanni Teknikkimik Ilinniarfik)

El-stærk H (Kalaallit Nunaanni Teknikkimik Ilinniarfik)

TNI-mi immikkut sammisat (NI-Nuuk)

32.500 kr. holdimut sapaatip akunneranut

Issittumi ilisimasortat (NI-Qaqortoq)

TNI-mik/Niuernermik ilinniarfiit tunngaviusumik ilinniagaqartitsinerat (Ni-Qaqortoq)

Serviceøkonom (NI-Qaqortoq)

35.000 kr. holdimut sapaatip akunneranut

TNI 18-imik/Niuernermik ilinniarfiit tunngaviusumik ilinniagaqartitsinerat (NI-Nuuk)

NI2 IT/Informationsteknologi (NI-Nuuk)

Peqqinnissalerisoq (PI)

Peqqinnissamut ikiorti (PI)

Maskinentreprenør (Kalaallit Nunaanni Teknikkimik Ilinniarfik)

Aatsitassarsiorfimmi sulisoq (Kalaallit Nunaanni Teknikkimik Ilinniarfik)

Tunngaviusumik ilinniartitaaneq (Kalaallit Nunaanni Imarsiornermut Ilinniarfik)

Qalulerineq (Kalaallit Nunaanni Imarsiornermut Iliniarfik)

Piniartutut Aalisartutullu ilinniagaqarneq (Kalaallit Nunaanni Imarsiornermut Ilinniarfik)

Naalagangorniarluni ilinniagaqarneq (Kalaallit Nunaanni Imarsiornermut Ilinniarfik)

Savaatilik (Inuili)

Niuertarfilerineq (Inuili)

Iffiortoq (Inuili)

Ilinniarnertuunngorniarfik (NI-Qaqortoq)

37.500 kr. holdimut sapaatip akunneranut

Tunngaviusumik ingerlatsineq (Inuili)

Ilanngussaq 2, oqaasertaliussat kiisalu oqaasertaliussanut nassuiaatit

Mamarsaakkanik nerisassiortaaseq (Inuili)

Nerisassiortumut ikiorti (Inuili)

Cafeemi/Kantiinami ikiorti (Inuili)

Atuarnermut atatillugu suliffimmik misiliineq (Inuili)

NI2 IHM/ Nunat tamalaat akornanni niueqatigiinneq Nittarsaassisarnerlu (NI Nuuk)

NI2 Aningaasaqarnermik Isumalluutinillu aqutsineq (NI-Nuuk)

Angallassineq Aaqqissuussinerlu (NI Nuuk)

Hotelimut/Takornariaqarnermut ikiorti (Inuili)

Peqqinnissamut ikiorti (PI)

Ilinniarnertuunngorniarfik (Teknikkimik Ilinniarfik)

42.500 kr. holdimut sapaatip akunneranut

Teknikeri (Inuili)

Allaffissornermi økonom (NI Nuuk)

MerX (NI-Nuuk)

Ikorfartorti (PI)

50.000 kr. holdimut sapaatip akunneranu

Kigutit nakorsaata ikiortaa (PI)

52.500 kr. holdimut sapaatip akunneranut

NI2 Aningaaserineq (NI-Nuuk)

55.000 kr. holdimut sapaatip akunneranut

Sulianik sullissisoq inatsisileritooq (NI-Nuuk)

60.000 kr. holdimut sapaatip akunneranut

Arctic Adventure Guide”

Kontumut pingaarnermut, 40.91.31 Suliassaqarfinnut aalajangersimasunut tapiissutit, nassuiaatit

Oqaasertaliussanut nassuiaatit tullinnguuttut ilannguniarneqarput:

"Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq naapertorlugu taxameteri malillugu akiliutigineqartussat aningaasanut inatsimmi aalajangersarneqarput.

Oqaasertaliussat AI 2019-imit iluarsineqarlutik ingerlateqqitaapput."

Ilanngussaq 2, oqaasertaliussat kiisalu oqaasertaliussanut nassuiaatit

Nr. 160.

Siunertamut kontumut, 40.95 Eqqumiitsuliorneq

AIS2020-mi siunertanut kontumut massumunnga oqaasertaliussat peerniarneqarput ukiunullu pingasunut neriorsuuteqarnissaq siunertaralugu makkuninnga taarserniarneqarlutik:

"Naalackersuisut Nuummi "Kalaallit Nunaanni Eqqumiitsulianut Toqqorsivik"-iup sanaartornissaanut tamakkiisumik aningaasalersorlugu sanaartortitsisuumissaannut piginnaatinneqarput, pilersinneratalu kingorna tassunga ingerlatsinermut tapiissuteqarnissaq pillugu neriorsuuteqarnissamik piginnaatinneqarlutik.

Neriorsuut 1. januar 2020-miit aallartittumik ukiut pingasut angullugit tunniunneqarsinnaavoq."

Siunertamut kontumut, 40.95 Eqqumiitsuliorneq, nassuiaatit

Oqaasertaliussanut nassuiaatit tullinnguuttut ilanngunniarneqarput:

"Naalackersuisut Nuummi "Kalaallit Nunaanni Eqqumiitsulianut Toqqorsivik"-iup sanaartornerani tamakkiisumik aningaasalersorneqartumik sanaartortitsinissaat oqaasertaliussatigut periarfissinneqarpoq. Tamatuma saniatigut sanaartortitsinermut aningaasanik akuersissuteqartoqarnissaa oqaasertaliussatigut periarfissaqanngilaq.

Sanaartornerup nalaani missingersuutininik qaangiisoqassappat taakkununga Naalackersuisut akiliinissaannut oqaasertaliussatigut aningaasaqarnikkut pisussaaffiliisoqanngilaq. Nunarput tamakkerlugu eqqumiitsulianut toqqorsivik atorneqalissagaluarpat Namminersorlutik Oqartussat ingerlatsinermut tapiissutitut peqataanissaa pillugu Naalackersuisut neriorsuuteqarsinnaanerat oqaasertaliussatigut piginnaatitsissutaavoq.

Pilersaarummi siuariartoqarsimangippat ingerlatsinermut tapiissuteqartoqarnissaanik neriorsuut sanaartortitsinerullu tiginissaa nalilersoqqinneqassaaq ilaatigut ukiut 3-t qaangiuppata nutarterneqarnissaa siunertaralugu. Nunatsinni eqqumiitsulianut toqqorsiviup sanaartorneqarnera ukiut 3-t taakkua iluanni aallartissagaluarpat piffissaq qaangiutereeraluarpalluunniit neriorsuut tunniunneqartoq atuinnaartussaassaaq, taamaattoqarsimappallu neriorsuummik nutarterinissaq pisariaqassanngilaq.

Oqaasertaliussat AI 2019-imit iluarsineqarlutik ingerlateqqitaapput."

Nr. 161.

Konto pingaarneq 40.95.01-mut, Eqqumiitsuliornermut kulturimullu tapiissutit allat

AIS2020-mi konto pingaarnermut matumunnga oqaasertaliussat peeqquneqarput ukuninngalu taarsarlugit:

Ilanngussaq 2, oqaasertaliussat kiisalu oqaasertaliussanut nassuiaatit

"Naalakkersuisut Aningaasaqarnermut Akileraartarnermullu Ataatsimiititaliamut ilisimatitserneerikkut Eqqumiitsuliornikkut Pinngorartitsisut Ingerlatsisullu-mik (EPI) angusassat pillugit isumaqatigiissusiornissamik piginnaatinneqarput, matumani kontumi pingaarnermi uani tapiissutigineqartut aqunneqarnissaat siunertaralugu.

Angusassat pillugit isumaqatigiissummi Namminersorlutik Oqartussat kulturimut aningaasaliissutigisartagai nalinginnaasut, sulinissamut tapiinerit, filmiortitsinissanut, atuakkanik kalaallisuunik saqqummersitsinerit aamma nipilersuusiornissamut tapiissutit.

Naalakkersuisuttaaq konto pingaarneq manna aqutigalugu sulinissamut tapiissutinut tunngatillugu konto pingaarneq manna aqutigalugu ukiumut aningaasanut inatsiseqarfiusumut tullermut nuussinissamut piginnaatinneqarput.

Kontumut pingaarnermut, 40.95.01 Eqqumiitsuliornermut kulturimullu tapiissutit allat, nassuiaatit

Oqaasertaliussanut nassuiaatit tullinnguuttut ilannguniarneqarput:

"Tapiissutigineqartut ilaasa kontumi pingaarnermi immikkoortinneqartut aqunneqarnissaat pillugu Naalakkersuisut Eqqumiitsuliornermik Pinngorartitsisut Ingerlatsisullu-mik (EPI) angusassat pillugit isumaqatigiissusiornissaat oqaasertaliussatigut tunngavissinneqarpoq.

Angusassat pillugit isumaqatigiissut ukiumut aningaasanut inatsiseqarfiusumut ajoqusiissanngilaq.

Aningaasat aningaasaliinermi tunngavissarititaasut naapertorlugit atorineqarnissaat ingerlatsinermi maleruagassat nalinginnaasut naapertorlugit ingerlanneqarnissaasa qanoq ililluni qulakkeerneqarnissaa isumaqatigiissummi allassimassaaq, tassunga ilanngullugit aningaasanik aqutsinermi attuumassuteqannginnissap eqqummaariffigineqarnissaa.

Taamattaaq Naalakkersuisoqarfik akisussaasoq kingusinnerpaamik ukiup tulliani 1. juli ukiup siulianut allakkatigut nassuiaammik naatsorsuutinilu tigusaqareersimassasoq allassimassaaq.

Oqaasertaliussinikkut Naalakkersuisut suliassanut aningaasaliissutinik eqqumiitsuliortunut tunniussisinnaatinneqarputtaaq, eqqumiitsuliortut piffissami ukiup nikkinnerata nalaani suliaqarnissamut aningaasanik tunineqarsinnaaniassammata.

Oqaasertaliussat AI 2019-imit iluarsineqarlutik ingerlateqqitaapput."

Inuussutissarsiornermut, Nukissiuuteqarnermut Iisimatusarnermullu
Naalackersuisoq – Suliassaqarfik 62-64

Nr. 162.

Kontumut pingaarnermut 64.16.08 Kalaallit Nunaanni imaani avatangiisinut
upalungaarsimanerunissaq pillugu pisortani susassaqtartut assigiinngitsut suleqatigiinnerat

Oqaasertaliussat tullinnguuttut AI 2020-mut ilanngunniarneqarput:

Nr. 1.

Kalaallit Nunaanni imaani avatangiisini upalungaarsimanerup nukittorsarneqarnissaa pillugu pisortat akimorlugit suleqatigiinnissamik isumaqatigiissutip atuutsinneqarneranut ilaatillugu Illersornissamut Naalagaaneqarfimmut isumaqatigiissuteqarnissamut kiisalu Illersornissamut Naalagaaneqarfiup killissaliussanik nuussinermik akiliutinik tigusaqarnissamut, Naalackersuisut piginnaatinneqarput.

Nr. 2.

Kalaallit Nunaanni imaani avatangiisini upalungaarsimanerup nukittorsarneqarnissaa pillugu Illersornissamut Naalagaaneqarfimmut pisortat akimorlugit suleqatigiinnissamik isumaqatigiissutip atuutsinneqarneranut ilaatillugu Greenland Oil Spill Response A/S-imut isumaqatigiissuteqarnissamut kiisalu kontumit pingaarnermut Greenland Oil Spill Response A/S-imut aningaasanik nuussinissamut, Naalackersuisut piginnaatinneqarput.”

Kontumut pingaarnermut 64.16.08 Kalaallit Nunaanni imaani avatangiisinut
upalungaarsimanerunissaq pillugu pisortani susassaqtartut assigiinngitsut suleqatigiinnerat

Oqaasertaliussanut nassuiaatit tullinnguuttut ilanngunniarneqarput:

Nr. 1.

Kalaallit Nunaanni imaani avatangiisini upalungaarsimanerup nukittorsarneqarnissaa pillugu Illersornissamut Naalagaaneqarfimmut pisortat akimorlugit suleqatigiinnissamik isumaqatigiissut naapertorlugu Naalackersuisut aningaasanik tigusaqartarnissaasa qulakkeernissaa, oqaasertaliussami siunertaavoq.

Oqaasertaliussaq nutaajuvoq.

Nr. 2.

Kalaallit Nunaanni imaani avatangiisini upalungaarsimanerup nukittorsarneqarnissaa pillugu Illersornissamut Naalagaaneqarfimmut pisortat akimorlugit suleqatigiinnissamik isumaqatigiissutip atuutsinneqarneranut ilaatillugu, kontumit pingaarnermut Naalackersuisut Greenland Oil Spill Response A/S-imut aningaasanik nuussinnaanissaasa qulakkeernissaa, oqaasertaliussami siunertaavoq.

Oqaasertaliussaq nutaajuvoq. “

Ineqarnermut Attaveqaqatigiinnermullu Naalackersuisoq - Suliassaqarfik 70 - 72

Nr. 163.

Kontumut pingaarnermut: 72.20.02 Kalaallit Nunaanni TV-kkut radiukkullu aallakaatitanik siammarterineq

Oqaasertaliussat tullinnguuttut maanna atuuttunut taartaasussat, pilersuisup ataasiinnaanera pissutigalugu isumaqatigiissutissat isumaqatigiissutissarsiutigineqannginnissaat qulakkeerniarlugu kontumut pingaarnermut matumunnga ilanngunniarneqarput:

”Naalackersuisut nuna tamakkerlugu tv-kkut radiukkullu aallakaatitanik, KNR-ip tv-kkut radiukkullu aallakaatitaanik siammarterineq kiisalu DR-ip tv-kkut aallakaatitaanik Nuummut nuussinissaq pillugit Tele Greenland A/S-imik ukiumut ataatsimut arlalinnulluunniit isumaqatigiissusiornissamut piginnaatinneqarput.

Nuna tamakkerlugu tv-kkut radiukkullu aallakaatitanik, KNR-ip tv-kkut radiukkullu aallakaatitaanik siammarterineq kiisalu DR-ip tv-kkut aallakaatitaanik Nuummut nuussinissaq pillugit Tele Greenland A/S-imik ukiumut ataatsimut arlalinnulluunniit isumaqatigiissusioqateqarnissaq tamanut neqeroorsinnaanermi mininneqarpoq, takuuk Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaanni § 3, nr. 5.”

Konto pingaarneq 72.20.02 Kalaallit Nunaanni tv-kkut radiukkullu aallakaatitanik siammarterineq-mut nassuiaatit

Oqaasertaliussanut nassuiaatit tullinnguuttut ilanngunniarneqarput:

”Oqaasertaliussinikkut Nuna tamakkerlugu tv-kkut radiukkullu aallakaatitanik, KNR-ip tv-kkut radiukkullu aallakaatitaanik siammarterineq kiisalu DR-ip tv-kkut aallakaatitaanik Nuummut nuussinissaq pillugit Tele Greenland A/S-imik ukiumut ataatsimut arlalinnulluunniit isumaqatigiissusioqateqarnissaq siunertarineqarpoq. Manna tikillugu ukiunut qulinut isumaqatigiissuteqartoqartarpoq marloriarlugu sivitsorneqarsinnaasunik, aappaata sivitsorneqarnissaa atorineqarsimalluni.

Oqaasertaliussami KNR-Nuna tamakkerlugu tv-kkut radiukkullu aallakaatitanik, KNR-ip tv-kkut radiukkullu aallakaatitaanik siammarterineq kiisalu DR-ip tv-kkut aallakaatitaanik Nuummut nuussinissaq pillugit Tele Greenland A/S-imik isumaqatigiissuteqarnerup sivitsorneqarnissaanut aamma nutaamik isumaqatigiissuteqarnissamut Naalackersuisut tunngavissaqalernerat qulakkeerneqarpoq.

Ilanngussaq 2, oqaasertaliussat kiisalu oqaasertaliussanut nassuiaatit

Inatsisartut nioqqutissanik pisiniartarnermut aammalu pisortat oqartussa qarfiisa suliffe qarfiisalu sullinne qarnerinut atatillugu suliarinnittussarsiuussisarneq pillugu inatsit nr, 6 12, juuni 2019-imeersoq ulloq 1. juli 2019-imi atuutilersinne qarpoq. § 3, nr. 5 naapertorlugu tamanut neqero ornermi mininneqartut tassaapput ”Tapiissutitigut pisinnaatitaalluni suliassamik kiap isumaginnittuussaneranik aningaasanut inatsimmi aalajangersagaasutut suliassat”. Nuna tamakkerlugu sullissisussat pisortat aningaasaliineratigut aningaasalersorneqartut kiisalu suliffe qarfiit attaveqaasersuutillu pioreersut ator neqarnissamut pissusissamisoortut § 3, nr. 5-imi aalajangersakkami pineqartut ilagaat. Assersuutigalugu § 3, nr. 5-imut nassuiaatini allassimavoq, tunngaviusutut aningaaserivimmi ingerlattakkat pillugit KNI A/S-imut, aammalu Kalaallit Nunaanni tamarmi nuna qarfinnut isorliunerusunullu nioqqutissanik pilersuinerit attanneqamissaannut aningaasaliissutit tamanut suliarinnittussarsiuutiginissaannit peerneqarsinnaasut. Aamma allassimavoq Royal Arctic Line A/S nunalerinermik inuutissarsiummut aningaasaliissutit tapiissutit, nunatsinnilu nuna qarfinnik isorliunerusunillu Royal Arctic Linep usitigut kiffartuussinermik suliqaarnissamut aningaasaliissutit tamanut suliarinnittussarsiuutiginissaannit peerneqarsinnaasut.

Oqaasertaliussinikkut aningaasaliissutit Nuna tamakkerlugu tv-kkut radiukkullu aallakaatitanik, KNR-ip tv-kkut radiukkullu aallakaatitaanik siammarterineq kiisalu DR-ip tv-kkut aallakaatitaanik Nuummumut nuussinissaq pillugit isumaqatigiissutip ilaattut Tele Greenland A/S-imut tunniunneqartussat peerneqarput. Tele Greenland A/S Kalaallit Nunaanni nuna tamakkerlugu tv-kkut radiokkullu aallakaatitanik siammarterinissamut attaveqaatilersuutilersutuaanera kiisalu suliassamik suliarinninnissamut sulisoqarnikkut teknikkeqarnikkullu suliarinnissinnaasutuaanera matumani pingaartinneqarpoq.

Oqaasertaliussat nutaajupput. ”

Nr. 164.

Konto pingarneq 72.22.01 Umiarsualivinnut oqartussaaneq-mut

Oqaasertaliussat tullinnguuttut, najukkami umiarsualiveqarnermut oqartussatut suliqaarnerup suliarinnittussarsioornissamut tunngavissaqannginnera pissutigalugu umiarsualivimmi oqartussatut suliarinnittussarsiuussisussaajunnaartitsisut, kontumut pingarnermut matumunnga ilanngunniarneqarput:

”Naalackersuisut umiarsualivimmi oqartussaaneermik suliqaarnissaq pillugu Royal Arctic Line A/S-imik, KNI A/S-imik, Mitterfe qarfinnik kiisalu Sikuki Nuuk Harbour A/S-imik ukiumut ataatsimut arlalinnuunniit isumaqatigiissusioqateqarsinnaatinneqarput, tak. Umiarsualiveqarnermut oqartussaaneqarnerup ingerlanneqarnera pillugu Namminersornerullutik Oqartussat nalunaarutaat nr. 14, 14. maj 2002-meersoq.”

Ilanngussaq 2, oqaasertaliussat kiisalu oqaasertaliussanut nassuiaatit

Konto pingaarneq 72.22.01-imut, Umiarsualivinnut oqartussaaneq, nassuiaatit

Oqaasertaliussanut nassuiaatit tullinnguuttut ilanngunniarneqarput:

”Oqaasertaliussinikkut umiarsualivimmi oqartussaanimik suliaqarnissaq pillugu ukiumut ataatsimut arlalinnulluunniit isumaqatigiissusioqateqarsinnaanerup qulakkeernissaa siunertarineqarpoq, tak. Umiarsualiveqarnermut oqartussaanerup ingerlanneqarnera pillugu Namminersomerullutik Oqartussat nalunaarutaat nr. 14, 14. maj 2002-meersoq.

Oqaasertaliussinikkut Naalackersuisut umiarsualivimmi oqartussaanimik suliaqarnissaq pillugu Royal Arctic Line A/S-imik, KNI A/S-imik, Mittarfeqarfinnik kiisalu Sikuki Nuuk Harbour A/S-imik ukiumut ataatsimut arlalinnulluunniit isumaqatigiissusioqateqarnissamut tunngavissaqarnissaat qulakkeerneqarpoq.

Pisortat oqartussaaffigisaanni suliffeqarfiinilu nioqputissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juni 2019-imeersoq ullormi 1. juli 2019 atuutilerpoq. § 3, nr. 5 naapertorlugu tamanut neqeroorutigineqarsinnaasussat tassaapput ”Tapiissutitigut pisinnaatitaalluni suliassamik kiap isumaginnittuussaneranik aningaasanut inatsimmi aalajangersagaasutut suliassat”. Nuna tamakkerlugu sullissisussat pisortat aningaasaliineratigut aningaasalersorneqartut kiisalu suliffeqarfiit attaveqaasersuutillu pioreersut atornerqarnissamut pissusissamisoortut § 3, nr. 5-imi aalajangersakkami pineqartut ilagaat. Assersuutigalugu § 3, nr. 5-imut nassuiaatini allassimavoq, tunngaviusutut aningaaserivimmi ingerlattakkat pillugit KNI A/S-imut, aammalu Kalaallit Nunaanni tamarmi nunaqarfinnut isorliunerusunullu nioqputissanik pilersuinerit attanneqarnissaannut aningaasaliissutit tamanut neqeroorutiginninnissami peerneqarsinnaasut. Aamma allassimavoq Kalaallit Nunaanni nunaqarfiit isorliunerusunullu pisiassanik sullinneqarnerisa suliarinissaannut Royal Arctic Line A/S-imut tapiissuteqartarneq tamanut neqeroornermi mininneqarsinnaavoq.

Royal Arctic Line A/S-imut, KNI A/S-imut, Mittarfeqarfinnut aamma Sikuki Nuuk Harbour A/S-imut tapiissutit tunniunneqartartut najukkani umiarsualiveqarnermut oqartussaanimik suliaqarnissaq pillugu isumaqatigiissummut ilaasumik oqaasertaliussani mininneqarput, takuuk Umiarsualiveqarnermut oqartussaanerup ingerlanneqarnera pillugu Namminersomerullutik Oqartussat nalunaarutaat nr. 14, 14. maj 2002-meersoq.

Najukkani umiarsualiveqarnermut oqartussaanerup isumaginissaanut pisortat tapiissuteqartarneranni umiarsualivinnik ingerlatsinermik aamma umiarsualivinnut oqartussaanimik isumaginnissinnaasunik aamma immikkut Kalaallit Nunaanni umiarsualivinni tamani najukkani umiarsualivinnut oqartussaanimik isumaginninnissamut sulisussanik atorfinitsitsinissami pisortat tapiissuteqarsinnaanerat pingaartinneqarpoq.

Oqaasertaliussat nutaajupput. ”

Nr. 165.

Kontumut pingaarnermut, 72.26.03 Mittarfeqarfiit, nukissiuutinik imermillu pilersuineq

Kontumut pingaarnermut matumunnga oqaasertaliussat tullinnguuttut ilanngunniarneqarput:

"Naalackersuisut Nukissiuutinut Imermillu Pilersuinerat pillugit Immikkoortunut Pilersaarutaata piviusunnngortinnissaata kingunerisaanik innaallagissamut, imermut kiassarnermullu assigiimmik akeqartitsinissat akikillisaanissallu aalajangersaaffiginerannut atatillugu aningaasaliissutinut killiliussat iluanni atuinissamik piginnaatinneqarput.

Innaallagissamut, imermut ungasissumiillu kiassaanermut assigiimmik akeqartitsinermit periuseq manna tunngavigineqarpoq:

- Illoqarfinni nunaqarfinnilu atuisut namminersortut nalinginnaasumillu inuussutissarsiortut atuisut (tassa atuisut aalisakkeriveqarnermut ilaanngitsut) innaallagissamut imermullu assigiimmik akiliisarput.
- Kiassarnermut akigitinneqartut nuna tamakkerlugu assigiimmik akeqartitsinermit uuliap akianut attuumassuteqartumut aalajangiiffigineqarnikuupput.

Assigiimmik akeqartitsinerit qanoq isillugit aqunneqarnissaannut aalajangersakkanik sukumiinerusunik aalajangersaanissamut Naalackersuisut piginnaatinneqarput.

Naalackersuisut aalisakkerivinnut akigititamut kikkut ilanngunneqarsinnaanerisa sukumiinerusumik killiliiffiginissaannut aalajangiisinnaatitaapput."

Kontumut pingaarnermut, 72.26.03 Mittarfeqarfiit, nukissiuutinik imermillu pilersuineq, nassuiaatit

Oqaasertaliussanut nassuiaatit tullinnguuttut ilanngunniarneqarput:

"Nukissamik pilersuineq pillugu Inatsisartut peqqussutaanni nr. 14-imi, 6. november 1997-imeersumi killiliussat iluanni innaallagissamut, imermut kiassarnermullu akigititanik aalajangersaanissamut Naalackersuisut piginnaatinneqarput.

Innaallagissamut, imermut ungasissumiillu kiassaanermut akeqartitsinermit periutsit makku tunngavigineqarput:

2018-imut Aningaasanut Inatsimmut atatillugu akinut periuseq nutaaq atorneqalerpoq, tamatumalu kingunerisimavaa innaallagissamut imermullu assigiimmik akeqartitsinerup atorneqalernera, taannalu Mittarfeqarfiit pilersugaannut 1. januar 2019-imiit atuutilerpoq. Pisisartunut marluusunut

Ilanngussaq 2, oqaasertaliussat kiisalu oqaasertaliussanut nassuiaatit

naatsorsorlugu nuna tamakkerlugu inoqarfinni tamani agguataarinnermut naatsorsuutini ukiut tamaasa Nukissiorfiit suliaqassapput.

Kiassarnermut akit tunngavimmikkut nuna tamakkerlugu akitut assigiittut aalajangersaaffigineqarsimapput. Kiassarnermut akigitinneqartoq uuliamut akigitinneqartoq aamma kissarsuummi uuliamik ingerlasumi qanoq atuisoqartiginera aallaavigalugit aalajangemeqarpoq. Kiassarnermut akigitinneqartup taamaalilluni uuliap akiata qanoq akeqarnera malippaa.

Tamanna isumaqarpoq illut nammineq uuliatortumik kiassaattillit aamma illut kiassarnermik pisortanit pilersorneqartut assigiimmik pineqalissammata. Taamatut tunngaveqarneq kiassarneq dieselimik innaallagissiorfimmiit tunniunneqarnerisooq imaluunniit erngup nukinganik nukissiorfiit aqqutigalugit innaallagialiorneq tunngavigalugu tunniussaannersooq apeqqutaatinnagu atorneqassaaq. Kiassarnermut qaminneqarsinnaasumut akigitinneqartoq kiassarnermiit qaminneqarsinnaanngitsumiit akikinneruvoq. Kiassarnermut qaminneqarsinnaasumut akigitinneqartup akikinneruneranut pissutaavoq taamaattumik atuisut nammineerlutik kiassarnermut qamitsissummik peqartussaammata.

Naalakkersuisut akigitinneqartunik ukiumut ataasiarlutik aalajangersaasinnaatitaapput, akigitinneqartunilli allannguisinnaatitaallutik tamanna pisariaqartussatut naatsorsuutaappat.

Oqaasertaliussat nutaajupput.”

Naalakkersuisut Siulittaasuat – Suliassaqarfik 73 - 77

Nr. 166.

Kontumut pingaarnermut, 77.05.07 Avatangiisit innarlitsaaliorneqarnerat

Kontumut pingaarnermut matumunnga oqaasertaliussat uku ilanngunniarneqarput. Oqaasertaliussatigut nuussisoqarsinnaanera qulakkeerneqarpoq, tassa VVM-imut susassaqarfimmi suliniutit ataasiakkaat suliarineqartarnerat akuttunngitsumik ukiuni arlaqartuni suliarineqartarmata.

"Kontumi pingaarnermi, 77.05.07 Avatangiisit innarlitsaaliorneqarnerat, aningaasaliissutini atuinikinnerussutit aningaasanut inatsiseqarfiusumut tullermut nuunnissaannik Naalakkersuisut piginnaatinneqarput."

Kontumut pingaarnermut, 77.05.07 Avatangiisit innarlitsaaliorneqarnerat

Oqaasertaliussanut nassuiaatit tullinnguuttut ilanngunniarneqarput:

"Atuinikinnerusunik nuussisoqarsinnaanissaa oqaasertaliussani siunertaavoq. Tamatumunnga VVM-imut susassaqarfimmut sanaartortitsisup Avatangiisinut Naalakkersuisup sanaartortitap VVM pillugu nalunaarummi pilersinnissaanut, allilernissaanut allanngortinnissaanulluunniit

Ilanngussaq 2, oqaasertaliussat kiisalu oqaasertaliussanut nassuiaatit

akuersissuteqarnissaq pillugu qinnuteqaatip suliarinissaanut nalilersornissaanullu aningaasartuutigisaata akiliinissaa tunngavigineqarpoq.

Avatangiisinut Naalakkersuisup VVM-imut susassaqaarfimmut aningaasartuutai siullemik konto pingaarneq, 77.05.07 Avatangiisit innarlitsaaliorneqarnerat, aqutugalugu akilerniarneqarput, tamatumalu kingorna aningaasartuutit sanaartortitsisumit utertinneqassallutik. VVM-imut susassaqaarfimmi suliniutit ataasiakkaat suliarineqartarnerat akuttunngitsumik ukiunik arlalinnik sivilissuseqartarput. Taamaammallu atuinikinnerussutit VVM-imut susassaqaarfimmut attuumassuteqartut ukiumut aningaasanut inatsiseqarfiusumut tullermut nuussinnaanissaat tulluurtuuvoq.

Oqaasertaliussat nutaajupput.”

Sanaartorneq - Suliassaqaarfik 80 – 89

Nr. 167.

Suliassaqaarfik 80 - 89-imut Sanaartugassat Iluarsagassallu

Suliniutigineqartut oqaasertaliussani pineqartut konto pingaarneq alla aqutugalugu isumagineqalernerat pissutaalluni oqaasertaliussat nr. 9, tassungalu atatillugu suliassaqaarfimmut matumunnga nassuiaatit peerniarneqarput.

Nr. 168.

Kontumut pingaarnermut, 82.24.01 Akileraartarnermut Aqutsisoqaarfimmi allaffissornikkut atortut il.il.

Oqaasertaliussat tullinnguuttut kontomut pingaarnermut matumunnga ilanngunniarneqarput: Ilanngaassiviup ineriartortinnissaanut, atorneqalernissaanut allatullu atortutigut ingerlannissaanut Nunatta Karsiani Akileraartarnermut Aqutsisoqaarfiup ilanngaateqarsinnaanera oqaasertaliussatigut periarfissinneqarpoq.

”Akiliisitsiniartarfiup Ilanngaassiviup ineriartortinnissaanut atorneqalernissaanullu atugassanik Naalakkersuisut ukuninnga ilanngaateqarsinnaanerat piginnaatitsissutigineqarpoq:

Akileraartarnermut Aqutsisoqaarfik 26,00 mio. kr.”

Kontumut pingaarnermut, 82.24.01 Akileraartarnermut Aqutsisoqaarfimmi allaffissornikkut atortut il.il. nassuiaatit

Oqaasertaliussanut nassuiaatigineqartoq tullinnguuttoq ilanngunniarneqarpoq:

”Akiliisitsiniartarfiup Ilanngaassiviup ineriartortinnissaanut, atorneqalernissaanut atortutigullu allannguiffiginissaanut atatillugu aalajangersimasumik aningaasaliunneqartut iluanni aningaasartuutaasinnaasunut tamanut akiliuteqarnissamut Akileraartarnermut Aqutsisoqaarfiup

Ilanngussaq 2, oqaasertaliussat kiisalu oqaasertaliussanut nassuiaatit

Nunatta Karsiani ilanngaateqarsinnaanissaa oqaasertaliussatigut periarfissinneqarpoq. Ilanngaateqarsinnaaneq ernialersugaanngilaq.

Ingerlatsineq aallartereerpat aningaasartuutaasussat ilanngaateqarsinnaanikkut ugguuna akilerneqartut aningaasaliinernut tapit aqutugalugit aningaasalersorniarneqarput, taakkulu pisassallinnit akilerneqassapput aamma Akiliisitsiniartarfik Ilanngaassivik pillugu Inatsisartut inatsisissaattut siunnersuummi tunngaveqarluni aalajangersarneqassapput.

Pisassallit akiliisitsiniartarfimmik atuisussat taamaalillutik siullertut atortup atulernerata aningaasaliiffiginissaanut tapeeqataassapput sanaartorneqartup aallartinnerani pinnatik. Pisassallit aallartinnermi akiliisitsiniartartunit namminersortunit akiliisitsiniarnernut aningaasartuutitut sipaaruteqassapput.

Aningaasartuutit annertunersaat ineriartortitsinerup atulersitsinerullu nalaaneersuussasut, isertitassallu aatsaat atortoq aallartereerpat pissarsiarineqarsinnaalissasut naatsorsuutigineqarpoq. Atortoq atulereerpap oqaasertaliussani ukunani akiliisinnaassuseqarnerup piffissap ingerlanerani appariartulernissaa naatsorsuutaavoq.

Oqaasertaliussat nutaajupput.”

Nr. 169.

Kontumut pingaarnermut, 84.40.15 Ilinniartut ineqarfiinik sanaartorneq

Ilinniartut ineqarfiinik sanaartornissap aallartinnissaanut ilaasumik oqaasertaliussat tullinnguuttut kontumut pingaarnermut ilanngunniarneqarput:

”Nr. 1.

Illoqarfinni ilinniartoqarfinni inissianik ilinniartut ineqarfiisut atorneqartussanik 544-t missaanniittunik sanaartornissaq pillugu Illuut A/S-imik ingerlatseqatigiiffimmilluunnit allamik attuumassutilimmik isumaqatigiissusiornissamik Naalackersuisut piginnaatinneqarput. Naalackersuisut piginnaatinneqarput sanaartornermi aningaasartuutit tamarmiusut 75 %-iinig ernialerneqanngitsumik akilersuutitaqanngitsumillu taarsigassarsititsinissamut, taamaattoq annerpaamik m²-imut 13.500 kr.-nik..

Naalackersuisut Namminersorlutik Oqartussat ilinniartut ineqarfiinut oqartussaasut (attartortitsisoq) aamma Illuut A/S imaluunniit ingerlatseqatigiiffik attuumassutilik alla aqutugalugit illuutitut sanaartorneqartunut tamakkiisumik attartornermut isumaqatigiissummik ukiumi 30-ni atuuttussamik allanngortinneqarsinnaanngitsumik isumaqatigiissusiussapput. Isumaqatigiissutip naanerata kingorna ilinniartut ineqarfiisa akiliuteqarnani Namminersorlutik Oqartussanut tunniunneqarsinnaanerap isumaqatigiissummut ilanngunneqarsinnaavoq.

Ilanngussaq 2, oqaasertaliussat kiisalu oqaasertaliussanut nassuiaatit

Attartornermut isumaqatigiisummut ilanngunneqarsinnaavoq Namminersorlutik Oqartussat ilinniartut ineqarfiinik aqutsisoqarfiata ulluinnarni ingerlatsinermik isumaginninnissaa. Ilinniartut ineqarfiinik pisortanit pigineqartunik innersuussinissamut malittarisassat sukkulluunniit atuuttut malillugit ilinniartut ineqarfiinik aqutsisoqarfik attartortitassanik ataasiakkaanik attartortitsisassaaq. Ilinniartut ineqarfiinik pisariaqartitsineq annikillissappat aamma ilinniartut taakkunannga atuinissamut pisariaqartitsiunnaassappata inissiat inissiatut allatut atorneqarnissaannut Naalakkersuisut piginnaatinneqarput.

Ingerlatseqatigiiffik attartortitsinermut isumaqatigiissusiorfigineqartoq tunngaviatigut sanaartornissamut aningaasaliinissamut taarsigassarsissaaq, taarsigassarsinissaq pillugu neriorsuummik Namminersorlutik Oqartussanut piniassaaq, sanaartortussanut isumaqatigiissusiussaaq aamma Namminersorlutik Oqartussat ernialersugaanngitsumik akilersuutitaqanngitsumillu taarsigassarsititsinerannut qaangiinngitsumik sanaartornermut aningaasartuutitut pisariaqartitsineq naapertorlugu inaarutaasumik aningaasalersuinissamut aningaaserivinniit taarsigassarsititsisarfinniillu aningaasaliinissamut taarsigassarsisinnaassalluni.

Nr. 2.

Illuutitik sanaartorfigisassanut Naalakkersuisut Ilinniartut Ineqarfiinut Immikkoortunut Pilersaarutaannut ilaallutik inissinneqarsimasunik Illuut A/S-imut nuussinissamik Naalakkersuisut piginnaatinneqarput. Immikkoortunut Pilersaarummi Ilulissani B-669/B-670-inik, Aasianni B-678, B-679, B-680-inik aamma Sisimiuni B-681, B-618, B-619, B-720, B-721, B-739 og B-767-inik isaterinissaq pisariaqartinneqarpoq. Isaterinissamut suliassat suliniummut tamarmut ilaapput, taamaalillutik aningaasartuutit matumunnga attuumassutillit ilinniartut ineqarfiinik sanasoqarnissaanut isumaqatigiisummut ilaallutik.”

Kontumut pingaarnermut, 84.40.15 Ilinniartut ineqarfiinik sanaartorneq, nassuiaatit

Oqaasertaliussanut nassuiaatit tullinnguuttut ilanngunniarneqarput:

”Nr. 1.

Oqaasertaliussaq aqutugalugu Naalakkersuisut periarfissinneqarput sanaartornissamut aningaasaqarnikkut killiliussat eqqarsaatigalugit ilinniartut ineqarfiinik sanaartornerulernissamut. Illoqarfinni ilinniartoqarfiusuni, Paamiut Narsarlu ilanngullugit, ilinniartut ineqarfiinik amigaateqarnerujussuaq pissutaalluni ukiuni arlaqaleqisuni ilinniartunut ineqarfiusinnaasunik attartornermut aningaasanik ikinngiqisunik Naalakkersuisut akiliisarsimapput. Ilinniartut ineqarfiinut qinnuteqartartussat amerlinissaat naatsorsuutaammat aningaasartuutit taakku ukiuni tuliuttuni amerliartuinnartussaassapput. Taamaammat aningaasanik taakkunannga atuinissaq aningaasaqarnermut iluaqutaassaaq, taakkulu 2020-mi konto pingaarneq 40.90.15, Ilinniartut ineqarfiinik attartorneq, aamma siusinnerusukkat konto pingaarnerusimasoq 40.01.08, Ilinniartitaanermut tunngasuni immikkoortumut pilersaarut, aqutugalugit attartornermi aningaasartuutitut akiliutigineqassapput, taakkulu konto pingaarneq 84.40.15, Ilinniartut ineqarfiinik

Ilanngussaq 2, oqaasertaliussat kiisalu oqaasertaliussanut nassuiaatit

sanaartorneq, aqutigalugit sanaartornerup aningaasalersornissaanut attartornermut akiliutissatut tunngavigineqassapput.

Illuutit ataasiakkaat atulerneranni Illuut A/S imaluunniit ingerlatseqatigiiffik isumaqatigiissusiorfigineqartoq akiitsunut allakkamik taarsigassarsiarineqarpiartunut naapertuuttumik tunniussaqaassaaq. Akiitsut allagartaat taarsigassarsiat Namminersorlutik Oqartussat naatsorsuuserineranut nalunaarsornissaanut tunngaviussaaq.

Inissiat marlunnik, pingasunik sisamanillu initallit tamarmik igaffillit uffarfittallillu sananeqassapput. Inissiat piujuartitsinermik tunngaveqarlutillu avatangiisinut mingutsitsissutaassanngillat, ilaatigut atuineq immikkut naatsorsorneqartassalluni aammalu periarfissaqassappat kiak atorineqatigittassalluni kiisalu solcellit nukissiuutilluunniit pinngortitamut mingutsitsinngitsut allat atorineqassallutik. Inissiat ilinniartut ineqarfiinik sanaartortarnermi piumasarineqartut malillugit sananeqassapput, taamaaliornikkullu sanaartornerup misilittakkanik katersiffiunissaa akikinnerusumillu sananissaanut misilittagaqarfiulernissaa qulakkeerniarlugu kiisalu ilinniartut ineqarfiinik naammattunik sukkanerusumik sanaartortoqarnissaanut iluaqutaasussamik. Sanaartornermi malittarisassat Sanaartornermi oqartussaasut suliarisaat malineqassapput. Sanaartornerup pilersaarusiorneqarneranut sanaartornermullu atatillugu aqutsisoqatigiit Sanaartornermi oqartussaasunit akisussaasutullu naalackersuisoqarfimmit peqataatitaqartut pilersinneqassapput.

Oqaasertaliussat AI 2019-imit iluarsineqarlutik ingerlateqqitaapput.

Nr. 2.

Oqaasertaliussatigut Naalackersuisut illuutunik pisariaqartinneqartunik Illuut A/S-imut tunniussinissaat piginnaatitsissutigineqarpoq, taamaalilluni ilinniartut ineqarfiinik sanaartorneq ilinniartut ineqarfiinut Immikkoortunut Pilersaarut naapertorlugu aallartinneqarsinnaassammat. Illuutit ima aserfallassimatigipput allaat najorneqarsinnaajunnaarsimallutik. Tamatuma saniatigut illuutit ima ajortigipput allaat iluarsartuutissallugit akilersinnaassanani. Taamaammat nunaminertat illuutit inissisimaffigisaat taaneqartut immikkoortunut pilersaarummi ilinniartut ineqarfiinut siunissami atorineqartussatut ilanngunneqarput.

Oqaasertaliussat nutaajupput.”

Ilanngussaq I



Til: Inatsisartut Aningaasaqarnermut Akileraartarnermullu Ataatsimiititaliaq
Att.: Sakarias Amondson

**Naalakkersuisut AIS 2020-p pingajussaaneerneqarnissaanut
allannguutissatut siunnersuutaannut naqqiut**

20-11-2019

Matumuuna allannguutissatut siunnersuutitut nr. 128-mut 153-imullu AIS 2020-
p pingajussaaneerneqarnissaanut naqqiut nassiuppara.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.nanoq.gl

Inussiarnersumik inuulluaqqusillunga


Vittus Qujaukitsoq

**20. november 2019-mut Iluarsiiisutit
Allannguutissatut siunnersuummut nr. 128-mut
(Saqqummiussamut siulianiittumut taarsiussaq)**

**20.01.13 Inatsisinut tunngaviusussanut isumalioqatigiissitaq aamma allattoqarfik
(Ingerlatsinermit aningaasaliissutit)**

Missingersuutit immikkoortiterneri

	AS 2020	M 2021	M 2022	M 2023
	-- 1.000 kr. --		---- mio. kr. ----	
Ilanngaaseereerluni				
anigaasartuutit	0	2,3	0,0	0,0
Akissarsiat	680	1,4	0,0	0,0
Aningaasartuutit allat	-680	0,9	0,0	0,0

Missingersuutitut ilanngussami oqaasertaliussaq tulluuttoq peerniarneqarpoq:

"

September 2021-mi allattoqarfiup sulinerminik naammassinninnissaa maannakkut naatsorsuutaavoq taamaammallu 2021-mut sulisunik ilimagisatut atuinissaq eqqarsaatigalugu sulisut 7-it 5-nut ikilisinneqarnissaannik tamanna takutitsivoq.

"

Uanngalu taarserneqarluni:

"

AIS2020-p pingajussaaneerreqarnerani konto pingaarnermut matumunnga aningaasaliissutit 2021-mi 2,3 mio. kr.-nik ilaneqarput. Aningaasaliissutinik qaffaaneq atorlugu allattoqarfik 2021-p naanissaata tungaanut suliaqaannarsinnaavoq. Aammattaaq aningaasat Tunngaviusumik inatsisitaarnissamut isumalioqatigiissatami ilaasortaasunut aningaasarsitsisinnaapput. Akissarsiassanik tunniussinermit atatillugu konto pingaarnerp matuma nassuiaatitaani nr. 2 innersuussutigineqarpoq.

"

	AS 2020	M 2021	M 2022	M 2023
Sulisorisassatut naatsorsuutigisat				
Pisortatut atorfiit	0	0	0	0
Allat	0	2	0	0
Sulisut katillugit	0	2	0	0

**20. november 2019-mut Iluarsiiisutit
Allannguutissatut siunnersuummut nr. 153-imut
(Saqqummiussamut siulianiittumut taarsiussaq)**

(Allannguutip imaraa Inatsisartuni ilaasortaajutigalutik Tunngaviusumik Inatsisissaq pillugu Isumalioqatigiissitami ilaasortaasut akissarsitinneqarsinnaanngitsut)

Ilanngussaq 2, AIS 2020-ip pingajussaaneerpeqarnissaanut oqaasertaliussat aamma oqaasertaliussanut nassuiaatinut allannguutissaattut siunnersuutit:

**Aningaasaqarnermut Nunanilu Avannarlerni Suleqatigiinnermut
Naalakkersuisoq – Suliassa qarfik 20-24**

Nr. 153.

Konto pingarneq 20.01.13 Inatsisinut tunngaviusussanut isumalioqatigiissitaq aamma allattoqarfik

Oqaasertaliussat tullinnguuttut AI 2020-mut ilanngunniarneqarput:

”Nr. 2.

Naalakkersuisut aningaasarsiaqartitsineq pillugu inatsimmi § 18, imm. 2 naapertorlugu tunngaviusumik inatsisissaq pillugu isumalioqatigiissitami ilaasortaasunut aningaasarsititsisinnaapput.”

Konto pingarneq 20.01.13 Inatsisinut tunngaviusussanut isumalioqatigiissitaq aamma allattoqarfik pillugit nassuiaatit

Oqaasertaliussanut nassuiaatit tullinnguuttut ilanngunniarneqarput:

”Nr. 2.

Naalakkersuisut tunngaviusumik inatsisissaq pillugu isumalioqatigiissitami ilaasortanut suliagarnerminnut aningaasarsisinnaanissaat oqaasertaliussinikkut qulakkeerneqarpoq. Aningaasarsiassat annertussusissaasa aalajangersarnerannut atatillugu suliassat annertussusaat eqqarsaatigineqassapput.

Pisinnaatitsissuteqarnikkut Naalakkersuisut tunngaviusumik inatsisissaq pillugu isumalioqatigiissitami suliat pitsannorsaaavigisinnaalerpaat, taamaaliornikkut isumalioqatigiissitaq 2021-imi tunngaviusumik inatsisissamut siunnersuuteqarnissamut tunngavissaqarluassaaq.

Oqaasertaliussaq nutaajuvoq.”